



কেন্দ্রীয় মন্ত্রিসভা

# পুনর্গঠিত খেলো ইন্ডিয়া কর্মসূচির অনুমোদন দিল কেন্দ্রীয় মন্ত্রিসভা ভারতীয় খেলাধুলার ইতিহাসে এক সন্ধিক্ষণ হিসেবে চিহ্নিত

Posted On: 22 SEP 2017 12:04PM by PIB Kolkata

প্রধানমন্ত্রী শ্রী নরেন্দ্র মোদির পৌরহিত্যে কেন্দ্রীয় মন্ত্রিসভা বুধবার ২০১৭-১৮ থেকে ২০১৯-২০ সাল পর্যন্ত মেয়াদের জন্য ১,৭৫৬ কোটি টাকার ‘ পুনর্গঠিত খেলো ইন্ডিয়া ’ কর্মসূচির অনুমোদন দিল। এটা ভারতীয় খেলাধুলার ইতিহাসে এক সন্ধিক্ষণ হিসেবে চিহ্নিত হবে, কেননা খেলাধুলাকে মূলধারায় নিয়ে গিয়ে ব্যক্তিগত উন্নয়ন, সমাজের উন্নয়ন, আর্থিক উন্নয়ন ও জাতীয় উন্নয়নের এক হাতিয়ার হিসেবে পরিগণিত করার লক্ষ্যেই এই কর্মসূচি।

পুনর্গঠিত এই খেলো ইন্ডিয়া কর্মসূচি সার্বিক ক্রীড়া পরিকাঠামো, সর্বজনীন ক্রীড়া, মেধার অন্বেষণ, উৎকর্ষতার জন্য কোচিং ,প্রতিযোগিতা কাঠামো ও ক্রীড়া অর্থনীতি সহ ক্রীড়া ক্ষেত্রের সম্পূর্ণ বাস্তবত্বের ওপর প্রভাব ফেলবে।

এই কর্মসূচির উল্লেখযোগ্য কিছু বিষয় হচ্ছে:

\*একটি নজিরবিহীন সর্বভারতীয় ক্রীড়া বৃত্তিপ্রকল্প, যা নির্ধারিত ক্রীড়া বিভাগে প্রতি বছর ১০০০ জন সর্বাধিক প্রতিভাবান তরুণ খেলোয়াড়দের জন্য নির্ধারিত থাকবে।

\*এই প্রকল্পে মনোনীত খেলোয়াড়গণ পরবর্তী আট বছরের জন্য প্রতিবছর ৫.০০ লক্ষ টাকা করে বার্ষিক বৃত্তি পাবেন।

\*প্রথম বারের মত প্রতিযোগিতামূলক খেলাধুলার ক্ষেত্রের প্রতিভাধর ও মেধাবী তরুণদের জন্য ক্রীড়ার উন্নয়নের ক্ষেত্রে একদীর্ঘ মেয়াদী রূপরেখা করে দেওয়া হবে এবং বিশ্বমানের খেলাধুলায় প্রতিযোগিতা করে বিজয়ী হওয়ার জন্য উচ্চ মানের প্রতিযোগিতার খেলোয়াড়দের এক গ্রুপ তৈরি করা হবে।

\*এই কর্মসূচির মাধ্যমে দেশের ২০টি বিশ্ববিদ্যালয়কে খেলাধুলার ক্ষেত্রে উৎকর্ষতা রূপে হিসেবে গড়ে তোলার জন্য সহায়তা করা হবে, যা প্রতিভাধর খেলোয়াড়দের একই সঙ্গে পড়াশোনা ও প্রতিযোগিতামূলক খেলার অনুবর্তী হতে সক্ষম করবে।

\*এই কর্মসূচির একটি বিশেষ উদ্দেশ্য হচ্ছে স্বাস্থ্যকর জীবনযাত্রায় সক্ষম এক সক্রিয় জনগণ তৈরি করা।

\*এর মাধ্যমে দেশ জুড়ে শারীরিক সুস্থতা উদ্যোগেরঅধীনে ১০ থেকে ১৮ বছর বয়সী ২০ কোটি ছেলেমেয়েদের শারীরিক সক্ষমতার পাশাপাশি তাদেরএই শারীরিক সুস্থতা সম্পর্কিত বিষয়গুলোতেও সহায়তা করা হবে।

এর ফলে বিভিন্ন ধরনের প্রভাব তৈরি হবে, যার মধ্যে রয়েছে:

\*খেলাধুলার যে লিঙ্গসাম্য ও সামাজিক অন্তর্ভুক্তির ক্ষমতা রয়েছে, তাকে সম্পূর্ণরূপে চিহ্নিত করে এই লক্ষ্য অর্জনে বিশেষ পদক্ষেপ গৃহীত হবে।

\*যেসব তরুণ ও যুব অংশের ছেলেমেয়েরা দেশের সমস্যাসংকুল ও পিছিয়ে পড়া অংশে রয়েছে, তাদেরকে খেলাধুলার কর্মসূচির মাধ্যমে মূলশ্রোতে নিয়ে এসে দেশ গঠনের প্রক্রিয়ায় যুক্ত করা যাবে।

\*এই কর্মসূচিতে বিদ্যালয় ও মহাবিদ্যালয় পর্যায়েপ্রতিযোগিতামূলক খেলাধুলার জন্য গুণগত মানসম্পন্ন করার প্রচেষ্টা হবে যাতে প্রতিযোগিতামূলক ক্রীড়া ক্ষেত্রে সর্বাধিক অধিগম্যতা বাড়ানো যায়।

\*খেলাধুলার ক্ষেত্রে সর্বাধুনিক প্রযুক্তিরব্যবহারও এর মাধ্যমে যুক্ত হবে। যেমন খেলাধুলার প্রশিক্ষণের মোবাইল অ্যাপ,ন্যাশনাল স্পোর্টস ট্যালেন্ট সার্চ পোর্টাল ফর ট্যালেন্ট আইডেন্টিফিকেশন, দেশীয় খেলাধুলার ওয়েবসাইট, ক্রীড়া পরিকাঠামো নির্ণয়ে জি.আই.এস. নির্ভর তথ্য-পদ্ধতি ইত্যাদি।

\*মূলত এই কর্মসূচির মাধ্যমে “সবার জন্য খেলা” ও “উৎকর্ষের জন্য খেলা” এই বিষয়গুলিকে এগিয়ে নিয়ে যাওয়ার প্রচেষ্টা হবে।

PG/A.D.

(Release ID: 1503721) Visitor Counter : 3

## Background release reference

পুনর্গঠিত এই খেলো ইন্ডিয়া কর্মসূচি সার্বিক ক্রীড়া পরিকাঠামো, সর্বজনীন ক্রীড়া, মেধার অন্বেষণ, উৎকর্ষতার জন্য কোচিং

